



Na osnovu člana 68. stav 4. tačka i), člana 69. stav 2. tačka e) i člana 70. stav 1. 4. i 6. Zakona o javnim nabavkama („Službeni glasnik BiH“, broj 39/14), u otvorenom postupku za izvođenje radova na realizaciji projekta iz Programa utroška sredstava vodnih naknada za 2022. godinu, Gradonačelnik donosi:

ODLUKU
o poništenju postupka javne nabavke –
Izgradnja kanalizacije sliva Babine rijeke (LOT 7)

Član 1.

Poništava se LOT 7 - Izgradnja kanalizacije sliva Babine rijeke, u okviru otvorenog postupka javne nabavke za izvođenje radova na realizaciji projekta iz Programa utroška sredstava vodnih naknada za 2022. godinu iz razloga što su cijene svih prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-13146/22 od 17.06.2022. godine. Obavještenje o nabavci broj: 1355-1-3-187-3-118/22 objavljeno je na Portalu javnih nabavki dana 21.06.2022. godine i u Službenom glasniku broj: 41/22 od 24.06.2022. godine.

Za navedeni LOT zaprimljene su četiri ponude. Ponuda grupe ponuđača „TKM“ d.o.o. Zenica i „TEHNO-PROMET“ d.o.o. Zenica odbacuje se jer je ponuđač u ponudi za LOT 7 vršio ispravke jediničnih cijena pored kojih se ne nalazi datum ispravke, te je dostavio potvrde o uspješnoj realizaciji ugovora čija vrijednost kumulativno nije jednaka ili veća od procijenjene vrijednosti nabavke, što nije u skladu sa tenderskom dokumentacijom kao ni u skladu sa Uputstvom za pripremu modela tenderske dokumentacije i ponuda.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Shodno navedenom ponuda grupe ponuđača „TKM“ d.o.o. Zenica i „TEHNO-PROMET“ d.o.o. Zenica za LOT 7 odbacuje se u skladu sa članom 68) stav 4) tačka i) Zakona o javnim nabavkama i članom 18. Upustva za pripremu modela tenderske dokumentacije i ponuda.

Ostale prihvatljive ponude, ponuda konzorcija „ALMY“ d.o.o. Zenica i „ALMY-GRADNJA“ d.o.o. Zenica u vrijednosti od 98.777,18 KM bez PDV-a, ponuda ponuđača „ŠPIC BETON“ d.o.o. Zenica u iznosu od 129.468,41 KM bez PDV-a, i ponuda ponuđača „KOMGRAD-ZE“ d.o.o. Zenica u iznosu od 134.608,01 KM bez PDV-a znatno premašuju procijenjenu vrijednost nabavke za LOT 7 koja je iznosila 77.000,00 KM bez PDV-a.

S obzirom na gore navedeno, Ugovorni organ poništava LOT 7 u okviru otvorenog postupka javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-13146-6/22

Datum: 19.08.2022. godine

DOSTAVLJENO:

- 4 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

